


原
獻
詩
錄
卷上

DS
793
S952
S857
1880
V.6



原
虎
屬
詩
錄

光緒屠維單

閏陽月開雕

原獻詩錄目次

卷上

王恕

二首

王承裕

四首

張原

四十六首

馬理

四十七首

溫大紹

三首

溫純

十二首

溫日知

十四首

溫自知

二十九首

來儼然

十首

來復

二十一首

來臨

九首

焦源溥

十九首

馬逢皋

二十首

梁爾升

十七首

石朗

一首

石隆

一首

韓詩

二首

岳映斗

二首

孫枝蕃

四首

卷中

孫枝蔚

二百三十一首

劉澐

八首

楊爾恪

二首

梁舟

陸羽 二首

來鑑 一首

金一 一首

李夢鶴 一首

一首

王維世 一首

一首

王相業 一首

一首

房延祚 一首

一首

申爾媯 一首

中庸一首

溫儀

二十四首

張郊

八首

張岫

四首

劉紹攷

二十八首

金啟

十一首

劉紹錡

十一首

卷下

李瑛

八首

楊舒

一首

李仙蕃

三首

梁履中

二首

張藻

一首

張幹

三首

申鵬祥

一首

李之縈

三首

李家麟

四首

申廷鑾

十六首

李之蒙

四首

劉壬

十三首

郭岱

三首

朱次臻

二首

梁一清

一首

任謙

一首

朱曰驩

三首

溫會緒

二首

秦睿

四首

張瑾

五首

王兆和

五首

陳恪

四首

郭唐藩

二首

謝繩嗣

九首

李學李

十首

李灝

九首

郭永安

十四首

郭振希

三首

劉騰蛟

二十八首

王佩鍾

三首

穆述堂

十二首

王卣

十四首

王治

十三首

李秀

九首

吳獻箴

三首

鄭繼武

一首

王 巍

十一首

李學源

二十一首

摘句附

袁 澄

二十一首

楊秀芝

一百七首

閨秀
路淺波

四十九首

卷一

王

十一首

王

十一首

王

十一首

王

一首

原獻詩錄目次終

原獻詩錄卷上

知縣焦雲龍鑒定

邑人賀瑞麟編輯

王恕

見邑志

題婁提學謙蓮塘書屋卷

引水以爲塘刈茅而作屋塘中物可觀屋裏書堪讀觀物欲知天讀書非爲祿賢哉多史君與道日馳逐

題吉祥寺壁

彩鷁西飛日未斜江村兩岸有人家吉祥寺裏梅千樹不到春來不著花

王承裕

見邑志

宏道書院示從遊

緬懷魯尼父不厭亦不倦七十二弟子歷歷稱儒彥嗟予何人

斯野樸不自緣聖賢邈千載有時羹牆見一旦聞鶴鳴松雲忘
眷戀方擬賦歸與倏忽更事變昔日二三子健翮趁風便天空
信寥廓飛翔殆未徧我來重考經兀兀坐書院疑難塞膺胸反
袂漫拭面豈能開來學不過同几案萬物人爲貴年光擲流電
功欲成千倍行期經百鍊古來惟德馨行潦亦可薦莫謂中行
難誰復爲狂狷春風感興長聊示爾變變

過觀音寺學道書堂題壁

草廬西去觀音寺曾此橫經仰杏壇座上春風依舊好休將吾
道等閒看

癸巳秋九月二十一日示門下二首

此心纔放便難收事業巍巍一旦休勸爾勤觀丹府內莫容些
物到邊頭

來時如此去時同
幾許光陰醉夢中
人爵何如天爵貴
好從仁義上加功

張原

見邑志

謁端毅公祠三首

遺廟巍巍倚北巒
儀容秩秩肅衣冠
聲名萬丈華峰碧
香火千秋荔子丹
精氣襲人昭杲日
遺風流世障奔瀾
舊時相業垂青史
正色朝端豈讓韓

言采蘋繫酌一卮
滿庭花鳥暮春時
千年良史賢臣傳
百世清風柱國祠
桂殿宏開藏几杖
奎章顯被燦龜螭
執經問字前堂士
松檜陰陰獨繫思

一忤龍顏出諫垣
歸來磬折謁祠門
俄看宿草驚埋玉
祇對悲風哭奠蘋
渙忽昔游門下士
驅馳今駕海邊轅
愚貞自誓堅於石

石肯負先生舊教言

樵者

丁丁伐木響空山一擔烟雲任往還
萬里不知行路苦羨渠贏得世間閒

夜雨

細雨霏霏客未眠幾聲窗外更聞鶉
羈愁鄉思如相約一夜都來到枕前

懷歸寄王孟章兄四首

別時桃蘂破東風滿眼蒸霞照酒紅
今日綠陰桃已熟羈人猶自歎飄蓬

旅泊天涯滯腳蹤嶺雲黯黯樹重重
斜陽倚徧西樓住望到嗟峨第幾峰

身在南荒心在秦愁腸盤曲轉車輪朝來陡覺西風急添得清
霜鬢上銀

窮愁如草未能芟露冷天清怯布衫欲訴心情誰與共一簾疎
雨燕呢喃

古意

盛年競鉛華結髮事君子恩義漆投膠百年託生死妾顏尙未
衰君心頓他徙謾結青樓倡日醉歌舞裏倡家工嫵媚旖旎取
君喜轉首不相親君恩如逝水君心既有他妾空麗羅綺君心
既有他妾空飾簪珥簪珥雖云飾嗟君不肯視羅綺雖云麗君
視不爲美吁嗟君子心狂惑乃如此妾本箕帚婦自不與倡比
願篤守堅貞誓以保終始

小榻

蕭然小榻倚雲林半點紅塵不受侵
明月滿庭三盞酒清風四壁一牀琴
路途久歷方知事憂患頻經解養心
幾欲忘言渾未得時因詩思又長吟

秋霽四首

積雨驚新霽茅齋足自怡
晴山供淑景晚樹送涼吹
蟋蟀亂鳴砌蠨蛸對結絲
夕陽阿堵裏無處不宜詩

晚岫新收雨秋光入畫圖
竹庭風戛玉莎徑露溥珠
江海悲游子山川笑腐儒
麓堂閒騁望盡日撚吟鬚

煙林霏薄暮秋氣襲虛堂
雲斂千山雨風吹一夜霜
官閒無事心靜覺香香
支杖西山麓孤吟倚夕陽

秋雨生愁緒縈縈入索居
黃金驚罄橐白髮笑盈梳
風定花枝靜煙開林葉疎
一官多不辦慙愧讀儒書

寄寄庵雜興二首

草庭花砌一簾風萬慮消沈向此中
細縷檀烟斜結篆幾行鴈字亂書
空愁懷如海生層浪旅跡無家寄短
蓬最是相親天上月清樽時復喜相
同

虛庭日煖晝閒時時見梅花點硯池
香篆浮浮飄桂屑茶雲冉冉霧花磁
莫嗟烏鵲棲無樹還喜鷓鴣寄有枝
但恐小齋殺風景慙天拭壁自題詩

擬古

昔年有一士抱璞荆山囿區區欲獻
奇匍匐歸元后嗟哉人不
知反爾遭讒詬拳拳三致誠斷刖已
及脰涕泣終不舍大用願
畢究至人不世出至寶不輕售時來
遇卞和珪璋隨所就

漁翁二首

垂楊蔭綠板橋西徑入桃花路轉迷獨把一竿谿水曲有心元
不望封齊

月華印水燦流光一笛西風白露灑醉枕缸頭清夢杳是非身
世付茫茫

正旦後一日述懷

憶自前年出瑣扉春風萬里客邊依本將陋學酬公道敢向明
時悔昨非老將猶能思馬革山妻應不記牛衣前言往行居然
在賢聖當爲後世希

讀武帝紀有感

海陸珍藏盡入朝閭閻杼軸已蕭條當時造得黃金屋只向深
宮貯阿嬌

登都勻城樓

獨眺東風上戍樓，干戈擾擾暮雲愁。
春山影送一簾雨，羌笛聲飛萬壑秋。
四海孤身悲逐客，寸心千里憶神州。
乾坤俯仰成何濟，羞對青菱照白頭。

別成家中舍

邂逅相逢向戍城，忽忽未盡故交情。
青燈客舍難爲別，白酒旗亭此送行。
征旆細沾林雨潤，羈愁亂逐野雲橫。
歸時前席如相問，爲說長沙滯賈生。

石峯夜話次韻

空堦夜雨滴秋聲，翦燭聯牀坐五更。
傾瀉芝言揮玉麈，勸酬菊釀送金罍。
廟廊萬里經綸志，嶺海三秋骨肉情。
白首相看悲復喜，倏驚前寺已鳴鐘。

落葉

原齋詩錄 五
落葉復落葉階堆萬片紅昨夜疑是雨今日解因風簌簌霜華
裏翻翻月影中莫令隨水去恐又入深宮

郊行

霜草山頭野燒明驅驢閒作近郊行兩年宦迹履雙破萬里鄉
心鴈一聲幾處趁墟簪鳥羽誰家躡月和蘆笙寒煙漠漠秦關
遠徙倚斜陽獨愴情

古戰場

斜陽慘淡晚雲愁衰草沙場萬骷髏麟閣是誰標姓字忍將爭
戰博封侯

奉次邃菴師待隱雜詠詩韻七首

花竹陰陰一徑深幾年蹤跡想雲林爲言猿鶴休相怨忍向君
王負此心

花滿庭除月滿臺一樽清唱好懷開主人後樂公天下兩袖清風歸去來

賞花天氣九春餘上苑曾陪賦釣魚今日歸來非避世寸心宏濟想還如

筍輿來往慣焦山小雨新晴紫陌乾春到杏花開幾許呼童折取謾傳看

曉鳥春深分外清夕陽花底醉歌行閒時緩步山頭立獨倚東風看世情

江花的歷草芳菲萬點青山送夕暉緬想故園春寂寂一聲好鳥喚催歸

漪漪鳳尾掃簷簷萬箇清風綠野堂解組歸來人自樂不從歧路歎亡羊

古意二首

匪堅莫如石石堅猶可磨嗟哉世人心靡與石同科隨時異雲
雨中道生風波古人云已遠古道當奈何

延陵吳季子掛劍墓上枝徐君雖云沒久要貴不遺吾心已自
許吾行安可疑吾行疑尙可吾心那忍欺始終存義契生死見
襟期嗟哉君子行千載有餘師

古樂府二首

亭亭水中蓮下有千尺藕妾心如藕絲郎似蓮花否願郎折花
看藕斷絲不斷

鬱鬱澗畔松上有千尺蘿妾心如蘿絲郎比松如何願郎心會
此蘿附松身死

聞鄰婦哭征夫

五更月落天欲明忽聞鄰婦哭夫聲百年未老爾先死此身寥
落吾何生一聲激烈天地窄萬竅空林振風葉將軍爭取斗印
侯誰解深閨淚盈血

鳳凰篇

有鳥生自丹山穴五采文章光皎潔至靈作瑞豈偶然梁稻窠
巢俱不屑止必翔集崑崙山食必瓊樹玉琅玕飲則蓬壺清冽
泉出則天下治且安雞頭燕項龜之背九苞六象七德備行鳴
歸嘻飛卽都萬里揚聲驚噦噦一巢阿閣帝爲皇虞廷韶奏再
儀祥三鳴郊鄒岐山陽神明允應周王昌此後寥寥音響絕徒
見英名紀方冊潁川鶡雀奚足言秦樓簫史謾磨滅已而已而
其德衰行歌忽動楚狂哀朝陽獨有李御史豈徒當世稱奇哉
春秋之時亦絕迹溯想宣尼嘗歎息栽梧植竹浪紛然祇與生

民作荆棘吾皇盛德今合天行見此鳥來蹢躅君子道長茅茹
連熙熙四海王道平鞏固宗社億萬年愚臣願著祥瑞篇嗚呼
愚臣自許有筆修如椽

梅花五首

亭亭江滸羨名姝月作精神雪作膚欲與乾坤增正氣淡妝不
肯競鉛朱

盡日尋芳踏雪行一卮還許對花傾醉來紙帳朦朧睡猶覺寒
窗夢亦清

冷豔隨風陣陣香斜枝帶雪出莓牆荒山冷落甘株守肯逐東
風爛漫場

漠漠殘煙黯黯愁角聲孤起夕陽樓傷心無數芳華落江上青

山盡白頭

清癯帶雪水邊姿
屈曲橫窗月裏枝
莫把東園桃李比
眞成唐突越西施

馬

理 見邑志

擬古

曉發衡茅下
矢言待遠遊
驅馬周行去
甯從曲逕由
風露祇自知
村店少淹畱
空山怪鳥啼
踽踽行且謀
珍重匣中劍
拂拭泉欲流
心急道愈遠
志健亦難休
諒彼南征人
薄暮相與儔

秋日村中書事

萬里明如洗
千林暝色空
野外稀人跡
城中小逕通
鳥時入屋裏
菊自放籬東
過嶺隨樵子
臨灘遇釣翁
寒衣擣秋月
牧笛弄晚風
王室幸無事
閒居數過鴻

足秋雨轉成霖
選體爲樊生口占

秋雨轉成霖陰陰晝長晦四野多嘉穀浸淫就蕪穢始知非爲
虐今疑不是惠茅簷達夜鳴似滴農夫淚吾亦爲國憂中宵不
能寐願言祈彼蒼護我公家稅

足中秋徹夜雨爲李生口占

中秋徹夜雨一雨旬日許門外泛野羣庭畔喧蛙鼓泥塗不可
行桂玉愁羈旅田禾薦遭傷國用將安取丈夫爲世憂瑤琴塵
不理朱樓何處兒羔酒酣歌舞

陌上桑

烈女不再醮良馬無重鞍妾家雖貧賤貧賤妾所安妾身雖勤
苦勤苦妾所甘君家氣勢自莫攀君家黃金自邱山妾心比鐵
鐵不如妾心比冰冰不寒妾頭不如妾心堅

關山月

征人離家十年久阿母來時已白首戰士朝出暮不歸老人暮
死朝還走塞上狼烟信音稀兩地相猜有不有交河秋高寒冰
結陰山六月恆積雪擒賊豈怕皮肉皺報恩馬鞍常帶血歸期
未有心腸熱明朝又是清明節一聲胡笳何處發黃昏愁見關
山月

送別

南山青北山赤與君相交非一日憐君才華人莫比筆鋒倒瀉
三峽水別君來春復秋憶君摳衣鳳凰樓英雄反被功名誤誰
料纔作闌陽簿似君才華且如此丈夫那可論平素伯淳所以
不辭漢陂行晦庵所以躍馬同安路別君去不須悲爲君先脫
紫綺裘爲君次解黃金龜金臺剩沾秋露醅瑤琴寶瑟錦屏開
與君爛醉西風裏富貴功名聽自來

陽關引送別

溪上垂楊垂著岸紫驪馬嘶垂楊畔金盤王筍不能食蜀琴趙
瑟空長歎空長歎歌聲咽坐上有客人中傑腰閒寶劍吐虹霓
懷裏明珠墮秋月一朝攜取遊帝闕會看帝用照千里會看帝
用除妖孽此珠此劍天下絕明朝里睨嗟空虛眼底誰能輕訣
別葡萄酒蓮華甌幾番欲舉仍淹畱未破心中悶只添眉上愁
夜合花逐芙蓉開先生今去幾時來鳳城諒多皇華使好帶平
安音信回八月秋高涼風起階前黃葉落屋裏悵望何須灋水
蘭隔窗先聽芭蕉雨

春日對花獨坐

春雪霏霏著地消洞中敝出桃花嬌東風楊柳擺折腰黃鸝全
不惜羽毛我亦凭几洞門坐山高下見遊人過去年此時客帝

京今年此時住岩扃明年此時知何處歎息人生等浮萍此時有酒莫辭酌明朝門外看花落

涉渭

清秋涉渭涯清渭正漣漪水底覺天動舟中見地移向空排鴈字當鏡躍魚兒不敢言涇濁防人說是非

邊處士幽居

曉度清河曲春臨居士家庭軒皆竹木城市亦烟霞琴斷鸞還續荆菱雨復花功名慵似我欣就話桑麻

野望

太華西北截薛東無端風景四時同山畔隴蜀天剛近水下越吳海共通花發犬眠紅影裏鳥鳴人度翠微中眼前物物供吾樂尊酒何勞判射洪

題蘇武牧羝圖

中郎天漢使羝羝十九年餘仗漢節征鴈未傳上林書牧羝齧
盡北漠雪玉山蓋已輕如毛丹府殊能堅似鐵誰道雙鳬分首
處南翔惆悵淚成血

戒人逞忿

眼前興廢轉如輪秋葉春花莫認真一炬慢然心裏燄二毛爭
惜鬢邊銀皇王帝伯今安在社稷山河古換頻不信咸陽原上
看龍爭虎鬪盡埃塵

東康德涵

纔送春歸夏又過黃金寸寸暗消磨彈殘翠帶垂楊柳剝盡紅
衣老芰荷秋到梧桐山館寂夢回蝴蝶月窗多終然眉宇無由
見鴈去魚來奈子何

答呂仲木

雞鳴有約來連榻月上無眠喚睡童嗟我雖嘗中道廢與君不
是出門同三年夢繞白雲舍一夜涼生玉陛楓莫悔功名渾是
錯功名中自有英雄

挽涇野

明夷之日大星流君別神臬記玉樓共學當年曾稷契蓋棺今
日是程周六經註出疏堪列千卷書垂志亦酬惟有羣言朱紫
亂相期刪定恨靡畱

送大理兩曲王子擢河南僉憲四首之一

檄典中州憲客來南國傳竊窺君茹菜日費二文錢

捲簾

隔簾山色好捲簾山色眞忽愛簾初捲山色雨後新

月下獨行

手倦書齋鎖夜長
人盡臥空庭得伴稀
天地明月我

平川書院十詠

攷經堂上惜分陰
費卻絕編一片心
屈指良朋三五輩
杏花紅

後到於今

攷經堂

道兼費隱大無垠
列聖能宏迴出羣
竊恐此身宏不得
還將張

主付天君

宏道堂

軒外清風掠地來
綻紅舒綠拂塵埃
年年落葉堆門合
賴有竹

稍掃得開

清風軒

一菴小構在煙霞
入夜月明趣倍加
絃誦聲高宿鳥定
一池水

浸四時花

明月菴

蕭然茅屋枕清流
道眼時看一帶秋
坐穩綠陰閒裏趣
雙雙飛

過鏡中鷗

清谷草堂

結廬山下倚嵯峨雨後晨初看碧螺峯帶殘陽村落晚絃歌歇

處聽樵歌

嵯峨山房

池邊龍尾洗松烟池面黑雲覆碧天竊擬一朝雷雨作沛然沾

漑足千川

凝墨池

亭前手種四時花春事無端詩思奢秋去冬來疑冷落春光又

早在梅華

詩亭春光

種檜成林作怒濤風停夜靜書聲高青藜然火夾林起疑是星

河落九霄

檜林夜誦

滿巷楸陰罷講餘聞蟬三弄足歡娛南風一陣精神爽不必乘

涼向舞雩

楸巷夏絃

送平川先生入朝十離詩

濯然素練掛巖籬時解從龍飛上空眼底升天畱不住會看雷

雨徧寰中

雲離山

一派活波滾滾傾滿潭竹葉照人清沿流處處沾膏澤到海鹽

仍和鼎羹

水離泉

五彩文身眾眼明九苞德備舊馳聲丹山飛到虞廷上頓覺人

間是太平

鳳離梧

拳老瞳明力更加百禽曾不共生涯雲霄此去應難肯些小功

勞報主家

鵲離籠

慈禽何事出雲林想是潛懷反哺心臨舉啞啞飛不去鳥中誠

矣有曾參

鳥離巢

看看嘉穀長來高指日明堂伴太牢何事主人拋棄得滿田從

此茂蓬蒿

田離主

有杖無眸未解扶多虧岩電引前途于今跬步皆坑陷何日摩
拖到大都

瞽離相

膝前提抱盡朝歡乳裏離懷半步難鄰嫗縱然相照顧萱堂寂

寞淚闌干

兒離母

女紅指教荷多方昨日猶傳婦道詳窈窕行藏何處也燕飛時

節斷人腸

女離姆

門掩落花春色深別師出寺悶難任傳來衣鉢誰收拾肩上一

條擔子沈

僧離師

睡起月下獨步

燭炮香消戶已扃夜深人醉睡初醒獨憐一樣中天月簾裏不
如簾外明

春日獨坐

疎疎微雨浥香埃
小院庭深花半開
草色一簾春晝永
黃鸝啼過短牆來

洞門讀易偶見杏花

東風門外幾時來
紛紛蜂蝶短牆隈
洞門閒出持周易
紅杏和鶯滿樹開

葵花吟寄許少華中丞

六月葵花向日遲
東君相背幾多時
涼颿信報三庚伏
猶自傾心了不知

秋夜獨行

鳥棲落木響空階
獨自開門步翠苔
貪看一天星斗爛
隔牆滾過月明來

東康德涵代從人借書

不把牙籤負擔頭客中零落舊交游雞窗擬欲重相訪爲我殷
勤問鄴侯

觀雁

霜天木葉放黃花雁過樓前字字斜塞上狼烟今息否好傳帛

書到官家

溫大紹

歲貢端毅高弟司鐸孟津

贈某廣文三首

青氍聊寄傲君是鄭虔倫三徑常生草一官不畏貧池光輝粉
壁燈影伴青筠莫謂泥蟠久風雲起蟄鱗

淡泊家常不染塵兒孫亦復解安貧清晨朗誦熟先業中夜咏
歌懷古人素履幾曾招物議浮名最足擾天真疎慵何敢求聞
達不涉風波不累身

少壯崢嶸志亦奇
中年多病久支離
蕭疎雙鬢英華變
憔悴一生筋骨疲
多士執經坐授業
諸孫舞彩笑含飴
儒生幾見都榮貴
且取琴樽適意時

溫純

見邑志

說經臺

爲結烟霞侶
因過尹喜門
停車逢白鶴
揮麈聽元言
瑤草經春長
琪花冒雨繁
眞源如可問
待月坐黃昏

過武關

關塞空秦漢
風塵感歲華
猿啼惟鳥道
犬吠有人家
孤嶂天疑近
窮途日易斜
商山知不遠
吾欲了生涯

邵陽曉發

侵晨出郭門
蕭瑟望朝暾
霜逼秋禾熟
日燒野馬奔
兵戈連塞

微耕鑿幾烟村撫景臨歧路淒然欲斷魂

青柯坪

削成絕壁倚危梯剛到山腰眼界迷爲近天門尋白帝故從鳥
道挂青藜銜杯欲並峯蓮吸得句先攜玉女題正好乘風凌絕
頂歸來恐作舊人啼

宜川謁劉太公墓

遊燕杖屨趨承日過里低徊想像時我愧延陵將掛劍誰憐有
道爲題碑心灰杯瀉千行淚手澤腸迴一局碁極目松楸兩地
隔不堪霜露繫吾思

江村夜渡

休沐同遊江上村尋春徙倚到黃昏舟車遠望兼南北星月平
臨互吐吞傍水花陰侵座入當簷山色伴雲屯相逢莫作乘桴

嘆兀坐中流過海門

題新築尊經閣成

泮宮高閣切雲成
藜杖將分太乙精
滿架縹緗過二酉
當簷奎壁引長庚
筆從眾巘齊冲斗
帶合雙流兩抱城
柱史神君收地脈
重看文獻在西京

同官姜女遮騎山

山靈亦爲婦人哀
半路能令追騎迴
何似愚公長障塞
免教骸盡成灰

郊望

盡日奔忙半日閒
羞將塵眼對青山
山頭似有棲雲室
欲向山靈借半閒

山行

冒雨登山望眼舒翠微山色擁征車只看足底煙雲合便是洪荒太古初

憶弟

幾年作客向幽燕白日看山學杜眠欲醉濁醪消旅況又逢一雁過尊前

宜君孟姜女洌泉

匹婦何緣有洌泉只因一念徹蒼元世人誰解綢常重流得芳名萬古傳

溫日知

見邑志

過二園

家有先人廬夙垂天壤名名園卽綠野五畝傍巖城清幽自成趣結茆爲軒亭汲井灌松桂嘉遜愜神情文靖今已矣老圃廢

經營蛛網當庭織鳥雀亦縱橫前山青不改一水自盈盈悵然
欲長嘆誰復飭衡荆

謝馬千里侍御公惠二十子二十一史書歌

古人有言早知窮達命恨不十年讀余也賦才愧樸漱三旬將
近徒碌碌北闕空勞再上書西疇葉落還耘穀生來貪戀泉石
居可但無分朱丹轂遇蹇甯嗤賦鳥窮數奇豈悔鶩淹通書淫
傳癖入膏肓對之漱潤療枯腸金題玉躋游同蠹緗帙芸編把
異香天日開明雲靄煥巖巒水木含清光耳目曠朗心神豁大
地一一吐文章晷刻閒放違竹素面目憎憐語無度通身頓似
抱沉疴嘉時好景猶憤督甯當艱窶艱饔飧鶉衣見肘足穿屨
帶鋤漂麥吻生花熒熒午夜華燈炷家世積書惠五車張十乘
強半先君手詮定兄弟各收鄴架珍伊余眇覽猶多興幸藏善

本十三經千載依然古汗青
百家編籍充棟積貯餽陳列同俟
鯖諸子辯博詞瑰異海錯山肴泛醪醕
史家炫治述龐雜大官
豐膳羅簋鉶二書宿有非完美
蠡測豈足窺滄溟頗恨賈客不
將市僻邑假借艱煩徒怫悒
兩入都門游肆閒斥筭質衣愧不
給今春偶向馬君言君之與余異
氏而吹埴君爲少保高弟子
余也少保小弱子少保命同几
席時師友之間良可擬世人鹵
莽誚博攻惟君稽古掇青紫相
視而笑莫逆心長安貴人辨此
易易耳我裘盡敝歸園田銓部
高君治行將美遷先乞主恩
予休沐里中車馬忽喧闐歸囊
蕭索無所有笑語爲若累下走
發滕帙帙飾牙籤堆案盈箱列
如阜繫余受持登庋閣霧縠冰
綃製疎箔饗鼎篆煙曉几薰膽
餅芳卉晴窗錯勿論開卷有得
欣然便忘食只擁萬軸已到南
面百城樂五千言作開山祖莊

列闢文競參伍荀揚著論稍宗儒龍門或議僭東魯管晏商韓
析政刑孫吳赴赴韜鈴譜黃石鬼谷真天人呂淮奕奕文章圃
晚出坐忘與化書也向諸家角談麈藏書石室日千秋班家工
力悉與侔此後筆椽推范曄三國菁華笑寇劉晉俗清元載簡
牘子京燭燭新唐脩鑿鑿五代繼良史問誰匠思廬陵歐齊宋
梁陳焚南北隋世安戢忽焉遁遼金氛熾宇宙晦仕元諸彥良
貽羞故實僅存備時代作者委瑣齷齪流乃知大業還經國雕
蟲浮薄何相尤自余得此書尙未一佃漁穿綜應同詣八索精
研真欲惜三餘聊爲感君贈貽意一論梗概使爾知余受不虛
小子秉性好著述上下千古益核實業成端不忘吾兄請看握

管赫蹏溢

按史不言宋
恐有遺句

梁五君旭赴淮幕歌以送之

君旭吾黨推汝閒世挺出之奇才汝才不奇胡爲乎窮哉左徒
蒙莊子雲與退之古今異人僅止茲龍肪麒麟節鉤奏尋常吻
耳那得知汝詩汝文梓累帙萬鈞力運五花筆鎔裁周漢追晉
唐匠心結構藍青出沉鬱蒼邃含晶英鍾鼎敦卣眼底并大河
峻嶽秀蘊結元圃初日輝截薛慙才不偶悲坎坷經年抱槩繩
牀坐移來元扈几席供曳得鹿皮烟霞裏相望親故金閨籍寂
寞誰詢草元宅延平石鼓相叩鳴老向諸侯應徵辟臧公朔方
憶見招賀蘭山靄遊興遙呂公虛左今詞席郡伯卑躬束帛要
脂車行向淮陽道小山叢桂淹畱好白下邗江訪舊遊奚囊行
李淮新草益探禹穴窮匡廬纖委盤閭渺具區胸吞雲夢連湘
漢倒驅溟渤凌天吳旭乎取彼遼邈峻嶒及沆瀣佐吾天際眞
人之異賞甯似溫生抑鬱跼蹐公車閒出處無成半生空負此

駢麟十年皮骨幾無餘近吟雀角傳爰書丈夫處世有如此恨
不燒穎埋硯爲賈爲漁猶得縱放志意窮覽蓋與君將行爲君
歌世眼皮相可奈何澤畔潮陽痛遭挫漆園天祿榮無多當時
詎解揆天藻萬劫定吻乃不磨海內羣公爭致子俯仰前後有
知己品詩記室迴推鍾濡歌供奉不羨李南都東觀今已開且
伋班管鴻裁纂今史

斗園歌爲呂介孺先生賦

崑崙河源二華天半中閒瓴建盡崗嶺關門東去無坦途山原
起伏凹凸攀陟如梯下如綆楚嶂太行遠獻姿駁函錯疊紛奇
境桃林硤石紆糾盤澠池澗水駛激湍蓋不知幾千萬變蹲踞
屏障龍飛鳳舞而蟠結於新安地靈煜爚鍾人傑吾師烜赫今
稷契天姿霞矯玉溫然品格風猷俱卓絕平允蚤著鄒魯鄉清

簡今躋裴玉列文章獨長雞壇盟風雅還追牛尾闕朝市大隱
達人情家園森秀結構精此園聞在萬峯環抱裏青要爛柯特
親比玉斗山前斗子城長松古柏錯如齒峽陡崖敲莽回互泉
幽水洌行迤邐迤邐孤亭芝池上天風四面巧排岩商歌聊取
名高齋塵埃脫盡酣清曠凭軒卻接虬幹披頰樓直與崧高抗
曲逕流雲茨作門深籬礙月花成桁石室清幽藏著書蔬畦肥
茁摘供餉垣牖植榆槐階除雜竹梅鳥喧隨籟動瀑溜學川來
懷雲梵字通行跡翠堵毫光接鬢臺殘曛登眺山容紫樵歌牧
唱晚鐘催當年我師住郊藪坐樹濯清泉于喁同勝友山僧排
戶啜茗畱野老據石課南畝眼前唐墅與漢關都入逡巡一杯
酒虛窗臨古蹟複磴罅新詩霄凌達者志霞痼昔人思千鍾萬
石無所慕芝曄泌洋可樂饑自從出山登仕籍文彩飛揚更奕

奕卻當退食委蛇日顧念優游林壑適繪圖曲折魯王孫詞客
名公各贈言去春遙致槭書至京邸得此與桃蹊之咏大可論
歸臥齋頭葺數弓東瞻澗上霧矇矓遙思勝槩蒼苔叢翠安得羽
翼從罡風斗杓清切星辰地一石才名各自異勿云取字緣山
城淵然更寓挹損義小子握管抒微思闡明西北來巉邃此中
精氣鬱光芒輾轅伊闕咸引避下瞰洛邑劇繁華似向幽巖逞
姿媚吾師閒世世競推不盡之奇鍾阿季

西歸過獲嘉高可愚戶部招飲園亭

爲園百畝傍城隈高閣幽垣徧綠苔游子歸途趨杖屨使君高
興擁尊罍聽鶯柳浪歌聲共看竹風軒日影催步出柴門惜遠
別塵沙莽莽首頻回

文太青自晉督學陟南光祿過里休沐作此以訊二首

鉛槧輪軒獨鑒文使君兩歲亦橫汾品題神駿無畱顧構述盈
箱盡祕聞真宰何功天五色雄姿絕世陣千軍長干故是并州
望殊寵新承光祿勳

宦暇懸知咏五君并州娛汝大江濱冬春子舍輶難發咫尺龍
光劍尙分遠影澄漪搖萬樹層空和旭薄千雲山中太古如年
晝肯枉塵區寫練裙

憶廣陵故人

帆檣秋月 in 揚州應轉輕浮一葉舟杜甫論文矜意氣相如題
柱憶交遊江雲紅入疎林晚汀草青浮遠水流應念故人離別
後勝情還寄庾公樓

同與亨游東園咏臺畔杏花

載酒尋春更看山家園散步恣登攀與君指點臺邊勝紅滿枝

來觀察不拜魏祠感而紀之次鄭韻

浮雲蔽日日未開
婢膝奴顏信可哀
稽首角崩爭建廟
孤臣大笑世風頹
自分頭顱非我有
欲焚梁棟盡成灰
揚帆直向海陵去
月色江聲亦快哉

郊居

荒郊蘿壁畫生寒
薜荔衣裳竹籜冠
到耳溪聲倚杖聽
隔牆山色捲簾看
清風入室消塵鞅
秋水澄心照露團
薄暮登樓空悵望
始知丹葉萬家殘

感事八首

江畔有芙蓉
芳華秋皎潔
清波搖疎影
裊裊氛埃絕
市廛永隔阻
何由一攀擷
惟有落莫人
幽居時見綴
孤高總不異
神明自相悅
豈學李與桃
逢春成行列

文章由神生識者尊其道抗志出羣芬瀟灑入微奧名山藏素業窮奇每自傲曳裾權貴門雕蟲竊名號諛氣柔心骨精靈爲之耗縱使工鞏峴齷齪非余好

驪龍有寶珠得者遭其睡勿豔從車多相附以爲媚丈夫重心骨窮達惟所眞平居若蟄龍出乃千里驥誰能伺意旨強顏事俗吏

勁骨常子立畸調本稀傳如何操獨行尙覩世人憐諛言徒聒耳受之乃欣然試參聲氣合迴若陵與淵和汝雖云樂孤芳更覺妍丈夫貴耿介豈謂佞者賢

上世有神交今人交在舌氣誼相引重何能不感悅一夕遭艱危巧者先變節拙者亦掉臂恐與俱蹉跌稽呂今安在張范徒勞說反復有如此毋甯守孤子

王丹非凡流論交何狷隘道逢君房兒下車仍答拜有子遠言
人撻之以爲戒俠烈餘風邈流俗動相賣朱穆論絕交名言千
古快自昔落落人端居永不敗

王霸愛幽居塵芥視青紫屢徵不肯就高尚乃如此饋食兼迎
門惟見妻與子相對曰相習窮愁不解恥誰遣令狐兒容服故
相擬父子恩意深偃臥稍難起婦言聊彼聽躬耕以沒齒
稚子知彌下搏黍見則欣我有千金璧皎皎辭垢氛羊蟻不相
慕幽谷狎蘭薰孤潔良自愛不貪守前聞絕臍腐乃脫有齒象
終焚丈夫有介骨紛紛曷足云

聽梁君陽說金焦之勝

水國微茫入望遙聽君舌本瀉金焦御風塔頂懷招隱對月江
流見斗杓島嶼晴浮漁浦樹鐘聲時雜寺門潮吾生倘得遂禽

向一吸中冷磊塊消

答張穉恭次來韻

彩筆仍看居侍從壯齡莫使宦情微
一竿谷口余垂釣三載邗江客未歸
梅影暗香浮曲逕雪天寒色到荷衣
傳經課子閒清晝徙倚衡門送落暉

郭不侮王伯章從華山抵池陽過山房畱飲

雙攜筇杖下三峯春水桃花喜乍逢
小逕過從王子晉貧家邂逅郭林宗
爲看蕭散牆東竹因憶扶疎嶽頂松
杯酒談詩歸正始還期匡世見人龍

憶玄博兼懷客生兄弟

石牀瓦枕月三更曾構池塘芳草生
茲日扁舟違海國何時遊屐返山城
爲憐鸚鵡懷中賦無限鵲鵲原上情
憶弟看雲兼憶

友高樓引望聽流鶯

次韻答梁仲琳諫議

壠畝躬耕老病侵
藥資酒債日相尋
仙翁月夜頻投轄
勝友何年再盍簪
海內艱虞頻抗疏
天涯書札好論心
于今五載違同調
棄擲誰憐爨下琴

聞笛憶先兄无知與恕

誰家吹笛向輕陰
嫋嫋風前傷我心
忽憶鵲鴿看不見
月明花落滿疎林

對青山

晨光破暝入簷閒
忽聽鳩鳴意自閒
曉睡起來無一事
捲簾獨坐對青山

郊居

連日清霜拂柳條經旬霖潦氣蕭蕭盈垣蘭芷將無變四野豺
狼迴自驕左輔尙淹王景略北庭終數霍票姚尋常無用增憂
慮鄰叟開尊敢謝招

甲申秋感八首

邱壑栖遲歲已深鬢毛無那百憂侵青尊潦倒餘孤劍黃菊續
紛感寸心日月蒼茫迷五色風烟蕭索變層陰幾回惆悵年來
事淒斷高城此夜砮

苑西陂水接瑤池百尺樓臺俯碧漪錦纜雙維龍鳳舸雕楹深
鎖松柏枝黃塵風靜周畿甸紫塞雲屯漢虎貔綺榭迴廊花爛
漫一經風雨歎離披

白楊瑟瑟見佳城門對終南眼倍明上郡榆谿多壘戰墓田西
畝輟農耕蓼莪廢去空成夢棠棣思來亦愴情罔極恩深鴿泣

重松關一望淚縱橫

萬里風烟繞塞垣從軍西北望中原浮雲曾走陳琳檄明月叨陪庾亮尊多病久知生事懶感時不得壯心存武陵一去無消

息哀些誰招楚澤魂

武陵謂總督楊公鶴

漫漶猶存袖裏書何須彈鋏歎無魚籬邊掃葉供寒竈溪上編茅葺敝廬不見桑麻深雨露但聞芻餉括村墟可堪十載多烽火王粲誰憐未定居

雨餘風細絕纖塵錦樹滄波二曲新塘石山中躡謝屐柴桑籬下漉陶巾邊關戰馬今逾急海宇蒼生日轉貧世故莫談心自遠清溪垂釣任吾真

銅龍初日照蓬萊雉尾分行御幄開碣石浮雲從海斷雪山晴色過關來塵消紫極香凝座雨溼金莖露滿盃三市上林無棲

處半生清夢繞燕臺

落木蕭蕭不可聞
千林秋色此平分
故交顏色看明月
野客心情在白雲
旅雁驚秋乘朔氣
寒蟬裂帛向斜曛
漢宮故礎今猶在
禾黍離離散馬羣

王母宮

回山獨步路欹斜
殿閣參差水一涯
檻外松篁深雨露
堦前岩壑伴雲霞
旌旗搖曳連龍塞
烽燧蒼茫阻鳳車
天馬西時還幾日
空餘惆悵徧流沙

來儼然

見邑志

月夕值陰作

良夕值三五
秋容湛以徹
云何須臾閒
皓魄成淪沒
兔潛玉乃失
桂掩芳仍歇
莽莽元霧垂
黯黯濃雲發
天實妬幽賞
突焉罷

怡悅負彼綠醕盈空有華羞列瞻顧安所問浩歎中爲熱

述歸二首

倦遊歸里閭晨發廣陵道親賓遠相送舉酌心如擣共爲異鄉
人相與披懷抱一旦仍乖張緬彼從前好一感波上萍一逐陌
上草臨行爲我囑修途慎自保陰吹多沙塵陂路斷行潦揮手
從茲分對鏡嗟顏槁回憶別家時慘然同懊惱

客子趁前路雞鳴起攬衣升車理綏韁曙色猶晞微霄林冒遠
色纖月藹餘暉秋露下不收團團復霏霏野曠勢綿緲天澹景
依稀懷促覺路長心共西羽飛屈指入家門家人羅堂闥是否
夢與真翦燭坐重輝

古風二首效黃山谷寄蘇長公體贈王子德表兄

修竹何猗猗託根在渭川不肯混紅紫高標獨翛然鼓風韻琅

琅篩月影娟娟非冬亦非夏柯葉無改遷挺立有如此清幽誰
解憐一朝逢后夔截之調歌絃時奏廟堂上吐舒帝王前
黃菊長東籬不與豔陽遇枝枝翻綠雲葉葉棲翠羽值彼未著
花冷落誰與顧亭亭默無言滴滴泣朝露秋聲從西來輕霜隨
時落山川乍寥寂百卉成飄泊起看三徑中繁英正綽約

初夏出郊

侵晨出郊坰郊坰多田疇千家枕城郭萬綠俯清流怪來新雨
後徑草修且柔浮雲彌天際好鳥空啁啾行行意更適信筇路
轉悠納涼坐深樹炎暑如全收萬物忻自得安復嘆沉浮日暮
澹忘歸睇覽聊夷猶遐哉柴桑翁百世良可求

雜詩二首

一室真如斗聊足藏簡編兀兀西窗下齋對聖與賢閒雲任舒

卷飛鳥時往還坐久簷日移從容奏七絃一奏聲雖再奏聲
鏗然曲罷默無語神遊遼古前

遲遲春日裏淒淒多重陰殘雪萎南澗長風生空林白晝垂雲
暝早已夜寒侵寂然萬動息幽獨慘人心懷往有餘思涕下沾
衣襟

觀黃淮水勢入海圖

昔聞黃河淮河水淵源桐柏崑崙邙南北天地兩奠麗圖中今
見相交流交流聲勢何淙淙千山夾岸青芙蓉終古混淪一瀚
海支派委折還朝宗誰分誰合仍誰鑿爲是當年神禹作乾坤
顛倒自沉浮星斗涵吞總遼廓洞庭失巨漚胥江無全濤飛奔
遠與大壑接東南一望天爲高披圖一一俱堪指移得河流來
曉底臥歷神遊總惘然愁絕洪濤犯地紀帆檣失利三老怨城

郭園陵憂漉漫承平功績夢寐中不用臨流再三嘆更聞帝遣
雙龍下紫霄治水水治非一朝胡然於今肆其虐黿鼉得志螭
蜃驕便須喚起馮夷問源委坐令茫茫氛祲消

張路山水歌

張生畫畫信手抹雖然潦草骨氣肅等閒抹出山水圖絕勝濃
冶三千軸橫抹幾筆水粼粼直抹幾筆山矗矗喬松茂草總生
色宿霧流雲宛相逐更畫兩老叟泛舟兼載酒一僕把柁更搖
櫓蓬頭赤脚衣露肘一僕拳縮在舟底形貌枯骨頗粗醜想應
炊火煮白石洗盤疑是行雪藕兩叟元是上清仙嬉遊玩世聊
泛船圖中恍然見神爽鼓濤弄月時悠然我聞張生大梁人揮
毫往往如有神更聞張生特使氣眼中落落無豪貴片楮點墨
不輕投勢焰熏天了不畏一生惟喜高陽徒相逢無分汝與吾

酒酣爲掃百絹素雲日黯慘風號呼氣豪反遭貴人罵白頭貧
困梁園下顏色枯槁無酒錢片縑那得成高價君不見古來直
道世所嗤近時丹青工媚人

來復

見邑志

藍田郊望

雨涼悅霽塏出郭散幽步秋成眾禾垂川原莽回互巖嶂王順
峯逶迤輞谷路日入嵐氣生千林各成趣城堞帶嶺長俯瞰激
湍赴邊山互路通西與鄠杜遇迎面七盤開奠茲武關固誰知
深宵中并畝尙無數謾謾巖松聲登登山寺暮石廬寸穴封人
烟絕頂露念當遺塵紛一瓢採真去

新豐歌

乾谿官庸費無數驪山工徒泣滿路隆準奮戈虎狼什營中紛

紛獻牛酺敖倉成皋策已獲幾年喧厯困京索鼎上之翁來新
宅雞犬聲中鄉夢夕沛陽悠悠千里地五色難移天子氣大風
歌罷兩行淚千秋萬歲精魂至文叔柔道終始存酒酣諸母歡
且論父老願蠲租十年南頓春陵同聖恩

鴻門行

山空日落風滿河峭函道上衰柳多青綦被野樵者歌昔日戰
場今荒沙荒沙漫漫迷晴濔感慨經過淚如雨霜氣空瞻天上
雲英雄久赴北邙土當時割據重腴封四塞羣稱制馭雄時移
運改桑海變江山萬里禾黍中禾黍風正悲江山終古在早知
爭戰事全非座上舉袂應須悔

望昭陵

迴合園陵路遶山護闕宮樵蘇松柏盡兵燹畫圖空鐵馬高原

幕珠襦王氣通只疑龍馭近扈從尙羣雄

永壽書懷

秋晚山樊霽城閭逐望低言尋榆谷路方出穆陵西天遠鳴孤
劍寒添換敝綈故園有松竹悔別媿清谿

華陰廟

百疊晴巒倚檻開團團松影隱層臺草侵琬琰空廊暗日照旌
旗夾道迴帶郭峯陰連水竹平堤關路入蒿萊千年興廢畱陳
迹搔首風烟萬壑哀

華陰道中遇雨望嶽

互地陰連百萬家奔溪野澗帶成斜真源此日憑誰覓失路吾
生轉自嗟千笠共攢雲外頂長莖高吐霧中花悲來滿目浮沉
事大麓衝風起暮沙

謁李公墓

天將衰亂厭欃槍瑞應重開日月光千載玉符歸鳳表一時韜畧見龍驤銅駝行馬輝蒿里羽葆輶輶泣路傍今日蕭條俱泯沒空餘流水咽斜陽

曲江新水

春陂潏潏古流泉積水添痕漾大川廢苑千年餘瓦礫濯瀦重見是龍淵五陵花氣寒烟外二塔鐘聲落日邊江海宴游尋往事獨將淪落愧前賢

抵華陰同胡含素梁君參君旭君晉遊華山

寰瀛聳靈域矗嶺頰咸秦藤蘿斜徑轉臺觀危橋侵仰瞻旭日光俯眺羣壑陰行行穿微竇望望逾石局尋源漱流瀑緣滑探殘銘爰酬夙昔諾遂愜幽深情談賞諧同好尊罍集良朋重襲

畏絮薄申防戒巖傾白雲聞雞犬落日發韶英修路何崎嶇咽
泉復沸騰琪樹豔寒葩石乳滴春冰飛鳥無疾翮哀猿多暮聲
屨登披蔓蓀吟眺恣憑陵起伏變縈折突兀還相仍雲腰空巨
壑金掌臨滄溟曠覽小蟻界飛棧失蜀形已令胼胝忘轉覺愁
喜并山中斷韉轡松下饒芝苓仙人善服攝白日空岩行睇形
悲凡骨嬰羅愁天刑豪華餘塵劫栖靜知沉冥鴻鵠有高棲揮
手謝繳贈

送馭仲弟入細陽

嗟汝長征時炎蒸未全衰汝兄三別汝此別多愁思愁思苦難
排高堂久睽離因風短札來言久思念兒期當如鴻鴈同作一
行飛汝去拜高堂跪致別離詞見汝釋憂襟和霽映鬚眉驚顧
疑形影汝兄當何之舉頭慰行役低頭念孤違枳栖小人心縈

牽蒙世緇所圖既不遠所卽良亦希哀歌岐路側寸心已崩隳
千緒結未陳爾我當自知

陶令田居

晨興晞余髮荷鋤南畝昀南畝還近廬雨餘多荆榛冷風暢遠
陲秫禾抽苗新歡言畢農務偃息茆屋貧妻子憫我勞壺觴纔
具陳誰云吾室隘亦足蔽流塵歲功訖有時何必多苦辛頽然
顏已酡聊以釋形神

雪霽登鴈塔

步出遠郭門寥寥浩無涯豐鎬餘蓬荻炎漢無故臺登高散鬱
志虛步浮雲齊浮雲東南徂延領懷所思雪飄瓦沒鱗輕日搖
寒姿簷鈴靜無喧壁帶遙四垂凝望際窮域誰知心悲摧

咏懷

錄二首

徘徊西北雲青山何礙壘落日照白蘋悲風鳴未已行藏感今昔離合殊憂喜慎言賤管蒯日暮終足倚中情徒縈迴欲語隔秋水篋中藏錦字安效輕薄子元化運微權人生無終否疑多使人惑怒家移於市

中歲耽元寂採真終南陲慧劍驚衰魔獨醒與世遺飲添延壽酒婚匹東家兒長歌懷白石廢此式微詩六翮凌清冥顧盼風雲隨揮手揖時人蓬島以爲期

王子郊園池亭成

錄四首

平生論勝地先要近潺湲築室荒村外穿池數畝閒鳴渠聲亂澗愛水性過山頗自耽閒寂城居動不還

數折柴垣隱壩虛蘿薜餘微風低掠燕靜夜上鳴蛙返照銜空影鄰山借落霞定知遲明歲荷放滿池花

驕語貧仍富，惟憑樂遣窮。
千條寒玉映，列障錦幃工。
變幻蛟龍窟，陰森虎豹叢。
濯纓還礪齒，遙媿考槃風。

貧自安環堵，吾年四十逾。
薄開梁棟構，難得竹花幽。
展席平鋪砌，縈觴故遶流。
人言菱苕裏，須作小漁舟。

喜馭仲至清源小酌分元字

豈期秋夏約，到日近正元。
歡具家常酒，愁將官況論。
笙歌無用聒，童僕解相存。
細及種花事，知余憶故園。

村居晚興簡胡含素

日夕林邊水，竹澄千花送。
煖氣猶蒸山，蜂課業頻將。
蜜羣蟻思家，競卜藤野戶。
未眠防盜夜，茅堂半滅讀書燈。
春城咫尺頻遊賞，如我淒涼憶未曾。

來

臨 見邑志

詠史二首

燕丹報國仇養士孰見奇後來得荆卿禮遇良不貲太子恩難
忘暴秦況如斯丈夫一言諾誓死復何辭刎頸樊將軍悲歌高
漸離素車臨易水颯颯寒風吹慷慨忽西逝不復訂還期劍術
雖未工吐氣結雲霓賴視軹里人彼曹同小兒黷貨縻人國餘
殃姊乃罹殺身誠匪易徒死甯足悲

豐城掘寶劍旋躍潭水深明庭重璵璠韞彩荆山岑魯連卻秦
軍正氣摧人心嚴陵干星象佯狂笑投簪丈夫各有志寵利焉
能歆長揖去東海塵埃千黃金披裘而垂釣朝暮遂幽吟二子
不可招惋嘆淚橫襟

四子詩

胡含素

延器

胡生挺偉姿骨相乃人傑弱冠志千秋推挽無卻轍篆籀遵上古丹青忌宣泄手揮五絃琴風流自殊別家徒四壁立顏色高巖嶧斯人苟坎壈行人惻井渫

梁君旭

爾升

君旭視千古寸陰惜宴息屈宋旦暮遇酣鬯動顏色崑崙天浩浩孤標雲外直居家本素封口不言封殖圖南嗤稼圃橫霄振羽翼願言慎修持誰不欽令德

梁君肇

應基

君肇秉夙慧鵲譽起少年奇文一目下所過無遺堅朱鳳騫高空元鶴食青田弄影顧其侶不受世人憐買棹熾廣陵南國咤朱絃已奏甘泉賦宣室待席前

家兄陽伯復

伯氏承家學儻然現靈質該博擅百家元神周四溢鉛槧各紛紜諸侯行以膝譚笑指顧閒千人坐自失側身餐沆瀣上元契窈密咨彼拯溺功夷然在捫蝨

灌園二首 效陶元亮

大人有微祿小子不苦饑署後數弓田蔬卉含碧滋荷鑱理畦徑朝夕任耘耔抱甕亦太勞輓轡伏足施溝水本清冽涓涓行委蛇一支斜通池蒲萑乃離離青山枕北牖海氣當戶披短筇攜素簡漱齒澹眉髭荒蕪雖暫治即可逃喧卑樸樸非世用力作不知疲

朝來散靈雨雲霞蔽山麓戴笠觀園圃嘉蔬流濃綠葱蒨破人顏參差琅玕玉池平鋪柳絮細萍生溝瀆僕夫乘潤澤分秧樹籬菊桔槔且息宴滂沱成濡足修林淨遠響蔓草上茅屋先哲

有格言爲農得兼讀須臾開午霽時禽對爭浴玩物契吾真庶
幾免屈辱大道本龍蛇嗤彼窮途哭吾慕箕顓人肆志在空谷

讀杜詩有懷

伫立望東隅月出海天黃身世愁何極獨步西長廊宿鳥寂不
響月光溼清霜讀詩傷杜老倏然淚沾裳才大包今古喪家羈
四方制科終不第薄宦復荒涼兄弟各蓬飛妻孥寡倉箱世情
恥儒素榮華憎文章鄭國欣晚遇始遂謀稻粱風流不諧俗誰
復容老狂坎壈已云甚飢寒殫道傍我生百世下懷想見容光
同病憐吾子私淑甯辭芳戚嗟逢世運兵戈道相望化離哭原
野負此六尺強安得邊烽靜四海歌絃長谷口餘半菽終南書
一牀搜思倍勇猛拈毫神激昂何言優孟技甯止仲由堂

焦源溥 見邑志

砥柱篇

洪河龍門來奔崩華山趾誰能繫飛流疾如弦激矢下流日以
深滔滔勢莫已有石一拳多亭亭水中峙冰夷欲東歸觸之還
復止老蛟思鬪爭萬馬風聲起沫塵蔽九天轟雷吞九地此石
屹不驚日夜焉能觝鼉鼉怯欲逃行成波臣禮俛首羅石前受
約三門啟三門阿那名名之神人鬼沒人總傷魂來往稀一葦
莫謂架山梁五丁額亦泚蹤有漢唐人推岩紅生米新開寶篆
文平陸垂永祉四載大禹勤元圭端在此躡足望樓頭歷歷見
崔嵬一壁四削成的的芙蓉蕊風搖草青青千年絕人履傳聞
周老聃曾煉藥不死人從函谷遊賸有丹竈壘

龍門篇

懸河青霄下湧騰萬里迴奔濤誰能障巉峭斧鑿開坼巖墨於

鐵瘦蛟倂怒顙蜿蜒束如帶石穴出長虺虎牙交象耳咫尺秦
晉隈飛魚乘勢上努力風與雷從此多放恣浩渺欲九垓漠漠
陰霧合拍浪捲沙灰昔我亦陟此攜朋良悠哉慷慨十五載往
者不可追今提河東士越棧躍龍媒登降乞禹靈四睇聊徘徊
偉矣縣大夫懸知禦虜才藥師王弟子雅隨擒虎來豪氣凌風
舉壯歌酒一杯直窮渺無際忘倦更登臺貔貅奮髯立甲光錦
鱗皚大纛飛朱雀閃閃動崔嵬磨刀濁水赤飲馬長浪堆誓將
洗惡波華甸澄霾塵

蓬山竹贈崔生

蓬山有靈榦萬丈入青冥紫烟覆爲蓋翠葉鬱崢嶸八風揚砂
礫白日何亭亭其實鵠雛食時作老龍鳴誰與同寒歲松梅弟
與兄豈待斧鑿力修直性所成一自脫鵲尾勢已凌雲層今當

炎五月移植橫中庭崔生游其下詞動金石聲持爲手中物九
垓仰飛騰

雙桐詠贈張生並勉其弟

平江有雙桐亭亭列車蓋蔭覆辟雍西含風發清籟近日紛葳
蕤輕條麗景蒼湛水潤蘇陂密葉垂藹藹油油雲氣生春嫩旌
旗施百尺誰能攀沆瀣鬱鬱需取非寶瑟琴宗廟八音會王者
瑞賢良詎云孫枝最不數鼎足松不數龍頭檜移植過江來修
榦聳未艾其一已栖鸞其一鳳所翽

月凹

月中何所有云是丹桂樹此語亦云奇何令考亭怒指以山河
影後人不復悟長揖常儀前請問月中故月質非土質桂根何
以固月體非梁園何以生玉兔旣云山河影東西宜異布如何

數萬程形勢同一顧願詳開我胸毋爲萬世誤常儀對我言此
皆高明作我體本無光光借日光注中有凹如谿日光難深度
所以有黑黝難爲下民訴嗚呼明月高懸兮轉長夜而爲曙日
光亦有不到處

祈雨

千里赤雲夕颿起滾滾蔽天埋江汜衣塵盈寸不可揮馬汗流
血和泥滓天盍罰我災吾民栽麥青青半根死誰封湖海莫敢
開欲叩帝閭驅雨使

秋興

鳥翅西飛拍海水海水漂星大火死青女摘葉下空林卻勻鉛
華塗黑子雲烘輕縠透影微薄陽迎風吹皺起絡緯聲澁蠹蟲
忙無數神仙食不已銅盤滴水音差長驚省宋郎泣素紙

姜女手跡

萬里尋夫心欲折岸頭拍手澹水歇從使惡浪高千常耿耿此
情難斷絕風雨不剝古蹟新貞心原重幽鬼擎我生懷古多不
平微役何事築長城一倒長城秦鹿走祖龍先喪此婦手

追和歐陽永叔雪中賦詩

白戰

有聲糝糝上竹葉有被稜稜夢誰澈起看萬里一同雲帟杳乾
坤無縫洩手持九節敲玻璃誅蕩大器誰所設澢澢不覺重仙
衣明明有花怡盈顙珍重傾來入茶鐺松梢稷稷細風吹數椀
縱令肌骨清破陣還須酒性劣大與寒威戰一場鋒鏑亂點乍
明滅咄咄山陰興何闌踏過蔡城恨方雪歸來含笑拭芙蓉凝
凝一水失痕血再借袁公舞低昂碎落旄頭紛如屑歷歷榆錢
無纖塵平卻不平惡木折郭家獅子更添肥飛上天階影一瞥

急傳詞臣撰詞頭照見春坊字幾帖繁伊好手蓋腥羶礪山豈
復愛劬鐵

咸陽古意

世事堪嘆似轉蓬咸陽原上覽秋風甯知大訓垂千載只道高
邱壓九嶷殘葉尙飄秦氏雨晚蛩如叫漢家宮卽今鼓角猶催
戰三捷關心陝以東

秋日野望

太華西頭谷口東疎林薄暮起秋風行行欲數雲天鴈唧唧還
聞草地蟲山銜晚日畱初月樹掃寒烟飲片虹浩渺余思千里
目何人長劍倚空峒

雜興

欲倩長歌破寂寥奈如啼笑兩難調愁鑽肚孔鬚傳信喜上眉

峰酒放刁山迷霧窟應藏豹雨洗天容好射鵬封侯轉怕枯人
骨且拾毛君再一搖

甯武南樓觀濤

百道鳴泉一壑收白波直閣碧天浮雷聲倒聽蛟龍怒樹影高
翻燕雀愁輸餉孔明虛木馬憶鄉王粲怯登樓殷勤付與層層
浪遠送蘋鱗大海頭

謁韓淮陰祠二首

韓侯勲業漢乾坤赤草移來嶺霧昏齊土尙輕酬國士黃金甯
責報王孫蒯通漫鼓三分舌項羽真銷九里魂自古功高多不
賞區區深媿帝王恩

悲風慘淡幾黃昏霜月寒花叫夜猿宇內並傳三傑在嶺頭空
曠一祠存往來詩賦畱殘碣今古淒涼過晚村荒墓冷然猶足

痛未央宮事豈堪論

再謁武穆廟

雲暗朱僊殺氣饒岳王祠下雨瀟瀟聲馳鐵甲連秋冥淚灑金
牌帶夜飄誰謂媚金能保宋豈知遺種尚侵遼將軍壯志應如
在好洗腥羶布土橋

送友督學天中

天中文運向誰開赤幟新從北地來衡土每攜秦帝鏡覽風先
上趙王臺樽前禮樂衝應折筆底鋒芒陣可摧爲問後年當此
日幾人堪付棟梁材

時有
流寇

清供

日出詩篇誰笑貧堪將七字養閒身風騷雅頌爲前輩王孟高
岑豈異人當戶綠峰撐筆架隔籬清湍洗囊塵東君插有花千

樹繡帳橫開景更春

囑屨

東西南北一雙屨穩稱何須用絆縻愁立夜窗蹂月碎喜沾朝
露壓花遲穿雲慣踏三峯側蹈海應凌八柱卑世路更如山路
險問君歧處欲何之

馬逢皋

見邑志

墓中吟

有引

巡畿南時偶一事無當附逆者單疏見劾余不屑與辯
託病請歸剛一月而再行例轉後王心一死楊左諸正
人相繼下獄余知其及也遂自爲墓與一二契知就中
痛飲有死便埋我之意四吟草外又有墓中吟諸友多
有和者弗能盡載恐讀者疑爲不祥人併不知其爲不

祥語也是時丁卯三月既望書於思成堂

會葬人猶遠含杯夜尙浮
非夜秦燈暗當中舜日幽
白楊甘露滴蒼宇野雲油
不悟泉臺苦翻思華嶽遊
渭水猶如帶隴風幾報秋
月沉河浦冷霜近埜花愁
吾妻方瘞玉吾意亦藏舟
採山柏作槲執女手成謳
幸託二三子良宵一醉休
不爲富貴想不作功名謀
何當時運畢千載同土邱
料應乘鶴至兒輩莫深憂

捷音紀實四十韻

明紹天統聲靈煒煒近遭厄
運文敝武隕嗟我關中雄
據崔嵬竊窺難料早魃易災禍
因客歲滿目飛埃河爲斷
流山亦成咳三農失望萬餒
齊哀健兒倡難矢發距來
名弩肆凶深入月已二
日賊至魯鎮趙春元馬貢士同官兵
堵截賊遁去殺死二名生擒一名
燬屋鑿坏婦女被擄遑恤
其財官軍畢集寡謀多猜司
李登壇王葵心縗服從戎登繡衣
壇次日有雲陽之捷

坐陪

焦涵一同余陪坐不避風雨

將下自天

中州三將駱尙賢喬國柱晁國泰忠統三將孫紹祖梁應垣李

新威震若雷咸劉小醜立縛渠魁吾兒奮勇戀戰遲回

貢士尊德生員

達德與賊相距雲陽自朝至暮戰數十合當陣手刃一賊始宵名生擒一名射殺賊首一名奪獲坐纛等物報縣查明

遁遺棄山堆眾皆熙熙田復每每功高漢樹光映麟臺誰爲發

縱夷此巨傀上無西顧亦云快哉錢穀旣明

崔鍾英劉師文等司錢穀秋毫不爽

參佐共推

生員張炳璿尙應昌王大年溫自知薛鳳周祚昌皆民譽也日夜勞瘁不辭

乘夜量沙臨

流傾囂罰行暴虎恩霑遺芟

各鄉宦出銀三五十兩不等以爲眾倡最可尙者如王夫人見葵心

因糧不足憂形於色出簪珥三兩五錢佐費

始乘眾怒終屈羣材射皆命中甲亦多

舛扶傷旅進靜若銜枚卻馬東走還以待裴

雲陽捷歸漏下二鼓矣諸將雷雨

整隊徐行待王焦等馳馬夜迎然後入城同皋終夜講防禦之策

慎防餘燼閒亭徘徊

活人

皋建一堡頗險峻前後避難來者活數萬人王司李題仁塢二字顏門焦侍御手書且萬目萬口非敢誑也

構

堂植槐數思世網壯志寒灰朝趨結襪暮入同杯感茲知契勉

竭駑駘豈居功首思杜禍胎兵非訓練士亦虛談愁生塵飯勢
輕飛泉西盼弱水東望徂徠誰矚厥苦如日之眩窮且呼天渴
眞望梅憑誰善後總俟鈞裁

雲陽奇捷

我軍強弓復長箭怪得赤眉奔如電秉鉞何人稱上將雄風大
樹坐白面山後山前塵拂空鐵騎馳突河西東斜日輕颿逐回
浪洗兵未盡刀餘紅長歌忽聽關山月捷音無由達帝關宵旰
尙懷西顧憂鯨鯢雖戮路途絕神威聞已翦凶胡保勝還須定
廟謨

復立忠統

忠統復聚甲族保維桑佐司牧成毀關敢不肅原無險埜有鹿
我思伏人且逐盜從來禍亦速一壘破萬家哭掠厥妻奪厥畜

驅厥孥焚厥屋今日死不問卜明日逃喪其僕園有葵田有菽
行何適空踽踽此地霜何地穀藉豐樂衣可鬻風凜冽雨露霖
晝欲憩夜何宿調邊兵靖六服逞兇威奪烹粥一不與怒雙目
語方殫身已戮河東士又挫衄誰奮擊賊勢蹙誰翦除京觀築
我念之心頗慙古練武作蹴鞠播雄風豈賁育謀允協計亦熟
擇飛將登華轂人桓桓風謖謖號令嚴行陣睦靜如山應若瀑
昔虞禍今永福味膏粱衣輕縠冬雨雪春醲郁威以惠功繇樸
垂之久帛與竹

咏懷

魯連甘輕肆晉盜還奔秦于時不撲滅信古稱無人我有千金
劍從來爲世珍厥名爲莫耶厥功不易陳陸能斷虎兇水喪蛟
龍魂楚吳更伯後塵埋氣干雲至寶人鮮識陸離不可親春風

桃李顏觀者何紛紜利器終難假情隨蹈海真

述懷

昔從東方隱割肉懷君恩今病馬啣渴搔首思梁園嗟余秉微
尚移駐北山原山色綴朝樹泉聲愁暮猿習靜無多事雖幽勝
觸藩所以終日醉就煖臥前軒賓且任其去我亦忘其飡瞪目
時一望白雲起崑崙振衣往從之塵累中有敦野花秋未落源
水道應存適意無時節升沉焉足論

雪中約諸相知送匡六岳孝廉偕兒尊德北上

飛雪離觴苦不禁醉來愁見野雲深徘徊莫挽雙車去寂寞翻
思北郭臨寒薄帝城看走馬凍消宮柳待鳴禽昌時豈唱搖紅
燭蚤借匡扶悅我心

夢來陽伯

服官君野死永別重惻惻秦晉千里遙倉皇便易簀春深入我
夢恍若親顏色有酒君不飲有脩君不食半百平生歡昂然作
上客我女君家婦成言不可革仙郎卽吾兒論師求日益陽伯與良

甫交好遺孤拜良甫爲師

夙來敦友愛甯爭粟與帛諸僕撫之厚崑崙情非

飾君忽忻然笑但云樂泉石瀟洒泉可濯功名石亦泐伊呂與
蕭曹遭時肯輕擲盧駱王楊輩爲人執羈勒曩如坐一室今始
遊無極聽言欲從之恨不生八翼靖冥心似惺梁屋視猶黑相
隔踰年載對談眞咫尺行霍遏白雲英魂來何易痛自哀桑扈
愁誰見李白江河湧譽名莫使人空盡

田家雜興二首

有引

讀青蓮田家雜興忻然步韻賦得二首忽以家務牽情
後二首貂續未能也每憶滿城風雨數字堪傳矧二首

惟是步韻難步青蓮韻尤難卽再得二首恐弗克當隻
字老禁苦吟似亦不必多之爲貴矣

一官屢見黜幸有田膏腴樂觀惟禾黍佳伴共樵漁曾拔公儀
葵甯侈子雲居眾皆嫌迂直年復逼桑榆畏寒辭遠召乘煖返
吾廬雞犬聞聲至兒孫向我呼妾老情彌切燈殘酒滿壺
畎畝誰甘隱其如罕相識壺餐不輕假壯士無顏色但恐寒風
折高鵬終斂翼況當持弓滿六月允宜息蛟生長阪下虎過秦
山側虞禍豈慳吝尙取微生直更想齊高士嗟來竟不食

歸來雜咏又三首

曾因六月息于役悵空勞山忽起煙霧水亦生波濤不辭經險
阻翻思見人豪我心終不愜極目望江皋顛顚當年事聲名千
古高歸來眾芳歇久雨滋蓬蒿幽意終難改負暄仍續騷

衰殘戶外柳好鳥時時鳴久雨深泥滓獨無車馬行五陵故豪
客爲問何所營鐘鼓喧長夜風寒醉未醒陵谷一朝改華臺秋
草生霧煙多變態賦歌自深情所以幽居子無心問世榮
抱犢今何往深山不可居非苦山恆寂綠林焚劫餘老者猶戀
棧少者盡捕魚賤者苦行役貴人方絕裾去非求厥侶歸復喪
其廬流寇滿天地誰能尙膏腴無家別已久州縣空追呼

射虎行

南山虎白額噬嚙來往客積骨玉嶙峋浮血搖天碧山下禾黍
熟無復行人迹咆哮入都市千人還辟易汝無項羽力樓煩不
敢射我無侍郎符鞭汝化爲石縛汝空有心制汝終無策遣吏
兩三番倉皇失選擇人人自攘臂年年無一獲豈惟畏身閒不
肯奮長戟斃虎須捨生多人轉延役歲久生雙翼飽去橫九澤

黎民亦何辜遭此百六戾
武吏不向前負此頭上幘
周處獨行士一箭中其腋
從此離虎災道徑重開闢

雀飛多

雀飛多紛投羅羅網高張徧
九衢何不鼓翅向深林朝食渭陽
竹暮遊滄海區且任東西全汝軀
胡爲止同櫨飛同呼飽去更
踟躕主人應且憎舉彈落泥塗
有翅不得展四顧但長吁太倉
粟貴如珠無端驅人同鳥愚

長城辭

今人淚滴秦人骨秦月猶向今人哭
秦人欲爲萬世謀塵飛長城千里肉
西連沙漠東連海高能截月橫千軸
中原自有亡秦胡丸泥無計塞函谷
南海五嶺餘荒埃咸陽三月勞回祿
鼓角悲鳴渭水寒可憐百二滅無燠
夜雨枯沙杵鑿鳴猶有腥風起

殘築鬼火燐燐漢將營牛羊踏出秦人鑛

黃梁故跡

春風斜日過邯鄲沙際仙翁舊社壇睡醒盧生元寂滅古堂剝落菜花殘

聞警

秋風一夜寒霜落雪滿胡沙葉滿山元帥扼河須會戰莫教前騎近榆關

駐節夔門

夔門鎖鑰重三巴幾載夷氛亂似麻豈有丸泥封鼠穴能將點鐵制獷牙瞿塘月迴供清嘯鳥道風寒想暮笳經見陣圖思步武敢因憔悴負官家

再駐夔門

魚鳧地窄山磬屋澹頽霜明月逗營不有筌篚歡甲士誰將才
斗亂江聲賜環雨露驚新寵弭節郊原畏遠征半載驅馳皮骨
在子陽疑有鳳凰城

梁爾升

見邑志

憂賦

喟斯人之蠢生兮趨然踰羣象而昇靈胡崇卑貴賤之差池兮
余秉琳瑯其獨行時方汎趨涵忍之可怕兮謂婞直不可與處
俾予單棲寡援兮炳中庭而自語緬孔訓之不憂兮安得解此
膺也遵有道之樂窮兮彼固未遘予之愠也紛目前之悽愴屈
悵兮後來者又奚所依互怏怏闔難寐兮撫利劍而歎之嗤造
化之愚惑兮示人褻黷而不章飊撇振散於四方兮雲合沓以
奔征文鸞見逐於鵠鷗兮謇侘傺反物理之常余攬逸足以高

騁兮悵南北其顛危愍民生之多故兮豹兕橫行而不羈豈予
中心之偏急兮覲禍孽之靡測矧此躬之鄰匪人兮震驚遽至
於反覆吾安能忘情天倫兮獨耽此荒淫披六籍詩書冀有得
之兮聊摅懣怨之心紛朝夕其離騷吟兮彼屈子之疇好世固
嗟伊罔辨兮譏余矯情而滋驚爰畏鑠金不可說以臆兮終悶
悶而孤行悵安其齟齬兮諒有鑒蕭颯抑拂之中情篤信許由
之風節兮孔懷馬遷之著述陋彼元蟬空噦噦兮凝思金石而
中節奈此皇皇者非令構兮反有戾乎初衷夫固以憂懼憂兮
浪感憶而識其無窮重曰予固蹈世之不直兮獲訾而逢迂贅
詢詢其甘心兮逝焉而罔訴眾莫諧吾願兮匪藏慝之愆也引
躬省咎兮予曾好爲是察淵也天胡媻奇釁兮僂僂弭止之不
得況無好仇兮恐滋余之慚德嘻噫進退觸藩兮攬歲暮而蹙

領亟嘗以時命自喻兮屢任情而惻慘忽忽悲歌橫溢兮肆嬖
媚之違歡焉得美人兮相與深談而怡顏

東征歌

擬文中子而作也

吾生半世兮強者漸迄於衰邈惟京都兮思修先王之規懷狙
疑而信之兮國中信移指淳仁於澆俗兮相與於變乎寰圻胡
余意之不申兮咸見蹶於官司金錢爲累兮叫重閭而弗知戈
兵殘惻兮疇慰拊髀之思但言東事兮眾股栗而或違吾年曾
多故兮冀返暮景於安栖微願有乖兮長此已而

擬古

靄靄陰崖陞蔓延碧草滋俛視何斑斕中敷五色芝歲時靡可
紀雨露發令姿託根青熒閒餐之慰恆饑樵蘇幸見捨川巖迴
含輝我行適覲止采掇驚陸離懷中藏十載當世亦知希踟躕

無所售聊用叶幽思

詠史二首

巍巍全秦固鬱鬱金湯尊山河雄地輿菱草空顏垣攬視霸圖
餘俯念前哲魂蹇叔能謀國垂老叩君闥憎憎殺之役三敗於
中原雖有封尸功不補戰死冤穆公何草率而忍捐忠言其人
雖已矣其規則常存

漢家首武功擯不用儒術陸賈稱詩書爲帝著秦失平勃賴交
歡并畫誅呂策五男慰暮景析橐千金直安車擁駟馬歌舞鼓
琴瑟謀歡極一生游宴無虛日身榮復壽終美播而名述

古鏡篇

白日忽高升踟躕依長道長道敷光燄員魄邁其寶丹彩曾黯
然堅雅一何好背負麟螭文款係歷可考厚藏將有以沈晦甘

所抱悠悠風埃中古妍一究討持以貽君子白首願相保

聞鼠吟

霜寒長夜苦無眠聞爾啾唧近牀前冥冥窗壁何所有輕捷伺人善攀緣穿我墉兮食我果屢欲撲死嫌細瑣泯默驚慌披衣坐君不見破牖蕭瑟夜不明鬼亦跳梁敢橫行

墨鼻先生歌

余旅居小樓正對竈一坐鼻似墨突笑而作墨鼻先生歌

嗚呼上帝譴謫一何厲放予江海之滙失歸依舊徑蕭蒿復敲壁風日蔽虧少光輝晝入網戶長俛首夜爲蚊蟲啖其肌展卷忽而元烟塞目瞪喉張屢慌惑我今因此安所逃十日九日鼻盡黑嗚呼懷居則豈敢臥薪而已矣爛額焦頭真可虞高堂大

虞者誰子欲將行藏叩蒼旻世事悠悠皆如此君不見墨鼻先生遭坎軻雲爲蓋兮草爲藉孤琴數編消歲月潦倒崛强自叔夜朱鳳依然失巢時塵埃卻被燕雀欺

觀古琴

龜文五尺窈窕形太古之音篋金星背銘蝌蚪不可識鼓動山水叶幽靈細澗潺潺風泠泠忽然霹靂下雷霆山鬼木妖皆走避道遇知音枉嗟異誰能將去奏薰風比協簫韶清廟中

旅中苦病

羈愁誰可恃藥餌暫相親多病兼中酒息機還養真秋風逾夏月楚地幾秦人畱取圖歸計尙餘瀟灑身

田家款畱

爲眺南山色透透策騎行鶯花韋曲里雞黍野人情畦水蒸烟

碧岩扉帶月清況攜佳客醉濁酒每三更

冬日郊行

野岸暉暉融碧霰扶藜遠遠度寒茅擊風鷹隼侵雲疾倚窟豺
狐伺路交美興嗅梅空澗裏愁心落日古松梢年少蝥弧回獵
騎滿盤腥血薦豐庖

送人之蜀

北風楊柳據征鞍樽酒先歌道路難劍閣雲霄千嶂險錦江烟
雨一川寒猿嘯峽樹乘荒霧人入斜陽渡急湍到日祇應尋勝
蹟浣花溪上好盤桓

秋色

滿院梧桐一葉飛
藤蕪雨後翠依微
那堪塞雁初回浦
便有鄰砧急搗衣
時合悲秋名賦著
病非消渴宦情違
天涯正憶逢搖

落夢斷秦簫獨掩扉

出郊

逢人遙指海雲窩
沽酒衝寒此日過
楓老秋吟連萬戶
雁橫霜色靜孤柯
秦川西北青霄極
江濑旌旗暮野多
高興躋登聊遠望
感時鄉淚獨如何

聞妻病稍愈

爲汝愁思朝暮懸
今番病起尺書傳
虛窗應弄風梅蕊
小閣曾燒寶獸烟
客枕悲歡元異地
故鄉兒女況新年
閒情定有金錢卜
歸路春花獨黯然

別含素

眼中淪落未堪親
文采清風倚故人
已許鑄心摹晉魏
卻緣餽口背咸秦
寒亭松竹晴無色
荒甸山河日卜鄰
安得窮廬飽藜

藿幽便共爾一生身

石朗

見邑志

維揚九日

搔首烟嵐處處秋風塵飽盡此登樓雨青菰葉詩魂冷露白蘋
花驚夢幽彭澤有盤堪嘯傲龍山無伴尙淹畱相逢賸有杯中
約不擬將心更養愁

石隆

見邑志

甲申春日

微軀百感事蒼茫落落人憎沈子狂因愛鷦鷯擬小賦自然好
馬不成行安危須仗羣公策南北眞同旅雁翔十二匡藩星的
功名誰似郭汾陽

韓

詩

見邑志

燕陰值王生生追念起社諸兄弟

未必雞林便可傳六崗八水尙依然江村誰憶人燕趙澤國會
聞龍紀年四海飄零張儉在一朝事業祖生先逢君正墮高山
淚惆悵春深對血鵑

溫與亨齋前沈桐

幽人經濟本園林鑿井攜童出樹陰豈無晚涼方入席坐時清
韻已飛襟暑威忽爾思秋雨酒態從教慰綠琴唯有主人能好
潔日除千徧不爲淫

岳映斗

見邑志

瓠園詠二首

籜下人踪覆脩然野浦寒疎風搖翡翠霽雨響琅玕迸笋鄰畦
綠苞根斗石礚穿幽通萬壑洞曲入層瀾

叢琳浦

車蓋元雲合洪波柏裏生野田風日肅新鳥澤林清積葉馨長
陌藁陰憩倦征棘榛從此盡翳岫亂虬明

萬柏林

孫枝蕃

字大宗
枝蔚兄

重修彭祖樓

先生昔亦是人臣跨歷商周歲月新豈獨養生能學道誰如處
亂竟全身構樓仍與井相望爲政難忘仙作鄰從此愛看香火
盛要令福壽及吾民

放鶴亭

爲愛山家景物殊雲龍高處一長吁思歸田里何繇得久走風
塵未免愚馬草堆場煩檢點渡船編冊入追呼幽人那易長相
近放鶴亭前愧大蘇

子房山祠

子房勲業重千秋瞻仰平生願偶酬此地誰知來薦酒楚人何
故也忘仇城東尙有高皇廟遺蹟兼傳異姓侯自是古來公道
事況看風景更銷憂

重修黃樓

賢守文章感至尊卻操畚鍤領黥髡自逢眼底城三版不負胸
中策萬言更建黃樓龍遠遁還攜綠酒客微喧我因修葺增慙
愧未有功勲答主恩

原獻詩錄卷上終

